

Տ. Ներսէս Ե. կաթողիկոսի, մտի ի ժառանգաւորաց զպրանոցն Ս. Էջմիածնի, ուր յայնժամ վերատեսուչ էր արժանայիշատակ Յովհաննէս եպիսկոպոսն Չահլաթունեաց, իսկ ուսուցիչ՝ Մակար և Եղիազար վարդապետքն (որք ապա նախամեծար արքեպիսկոպոսունքն էին Էջմիածնի)։

Դ. Ի 1851 ամի Տէր Ներսէս կաթողիկոսն բաւական համարելով զմեր ուսումնառութիւնն, ի 16 սեպտեմբերի, ինքնին պատարապելով ի տաճարի Ս. Էջմիածնի (որ նոր օրինակ առանձնաշնորհութիւն իմն էր<sup>2)</sup>), շնորհեաց մեզ զշորրորդ աստիճան դպրութեան, ընդ այլ եւս քանի դպրաց, և ոմանց գաստիճան սարկաւազութեան, յորոց այժմ (1896) են՝ Սարգիս եպիսկոպոս Տէր Գասպարեան, Պօղոս վարդապետ Տէր Մարգարեանց և այլն։ Եւ յետ այնր, կոնդակաւն ի 28 նոյեմբերի այնր 1851 ամի, համարաւն 423, յանձնեաց Սինօզին կարգել զիս քարտուղար ի վանքական կառավարութեան Մայր Աթոռոյս, որոյ նախագահն էր մեր վարժապետ Մակար եպիսկոպոսն, և Սինօզն գրութեամբ ի 15-ն փետրուարի յետագայ 1852 ամի № 220, կարգեաց զիս յայնմ պաշտաման քարտուղարութեան, որպէս և զմիւս ընկերակիցսն իմ յիշատակեալս, կարգեաց զբրազիր Սինօզի, այնու հեռատես նպատակաւ, զի դպրացս ուսանելով զկարգ և զձեւ պաշտօնական գրագրութեանց և զորժառնութեանց, նախապատրաստ լինէաք անդամութեան Սինօզի և նախածանօթ ազգային գործոց և վարչութեան նոցին<sup>3)</sup>։

<sup>1)</sup>Մակար Արքեպիսկոպոսն յայտնի է ի 21-ն ապրիլի 1885 ամի կաթողիկոս ամենայն հայոց ընտրուելովն, հաստատուելովն և ի 10-ն նոյեմբ. օծուելովն ի հայրապետութիւն ամենայն հայոց։

<sup>2)</sup>Ստուրբար ձեռնադրութիւնք ստորին պաշտօնէից, այն է՝ դպրաց, կղերիկոսաց, սարկաւազաց, քահանայից (և վարդապետաց) առենն եպիսկոպոսունք յայլ վանօրայս և յեկեղեցիս, իսկ կաթողիկոսունք միայն ձեռնադրեն զեպիսկոպոս։ ի տաճարի Ս. Էջմիածնի, Եւ. այսպէս վայել է, ըստ որում Էջմիածինը մայր Աթոռն է Հայաստանեայց։

<sup>3)</sup>Բայց Ներսէս Վաթիկոսի ի Տփլիս բացակայութեան պատճառս, այն հեռատես կոնդակը անկատար մնաց, նշանակած սարկաւազ գրագրաց մի մի արտաքին պաշտօնով գրադիցնելով, զոր օր տնտես, մառանսպետ,